

## 4. gr.

Ákvæði reglugerðar þessarar ná ekki til útilegubáta.

69

14. marz

## 5. gr.

Brot gegn ákvæðum reglugerðar þessarar varða sektum frá kr. 500.00—5000.00. Ítrekað brot getur varðað missi réttinda til skipstjórnar í 6 mánuði. Mál út af brotum skulu sæta meðferð opinberra mála.

Reglugerð þessi er selt samkvæmt lögum um róðrartíma fiskibáta frá 12. janúar 1945 til að öðlast þegar gildi og birtist hér með til eftirbreytni öllum, sem hlut eiga að máli.

*Atvinnu- og samgöngumálaráðuneytið, 14. marz 1945.*

**Áki Jakobsson.**

*Gunnl. E. Briem.*

## HAFNARREGLUGERÐ

fyrir Járngerðarstaðahverfi í Grindavík.

70

14. marz

## I. KAFLI

## Takmörk hafnarinnar.

## 1. gr.

Hafnarsvæðið er öll Járngerðarstaðavík með öllum vikum og vogum, ásamt Hópinu. Takmarkast það af Hópsnesi að austan og hugsaðri línu gegnum bæina Krosshús og Hlið að vestan.

## II. KAFLI

## Stjórn hafnarinnar.

## 2. gr.

Hreppsnefnd Grindavíkurhrepps hefur á hendi stjórn hafnarmála, en þrír menn, kosnir af hverri nýkjörinni hreppsnefnd á fyrsta fundi hennar, til 4 ára í senn, hafi á hendi framkvæmd þeirra. Hreppsnefndin kýs formann nefndarinnar, en nefndarmenn kjósa hafnarvörð.

## 3. gr.

Hafnarnefnd hefur eftirlit með höfninni, sér um viðhald og umbætur á mannvirkjum hennar, annast fjárhald hennar og reikningsskil fyrir hönd hreppsnefndar. Reikningur hafnarsjóðs skal fylgja hreppsreikningnum og endurskoðast ásamt honum.

## III. KAFLI

## Um hafnarsjóð.

## 4. gr.

Stofna skal sérstakan sjóð, er nefnist hafnarsjóður. Renna í hann allar tekjur hafnarinnar, sem ákveðnar eru í reglugerð þessari. Hafnarsjóði skal eingöngu varið í þarfir hafnarinnar, til greiðslu á nauðsynlegum mannvirkjum, viðhaldi þeirra og

70 umsýjón, svo og til kaupa á landi í þarfir hafnarinnar, ef nauðsynlegt þykir. Óheimilt  
14. marz er að nota fé hafnarsjóðs til annarra fyrirtækja hreppsins eða binda það í lánum til þeirra.

#### IV. KAFLI

##### Um legu báta og umferð þeirra um hafnarsvæðið.

###### 5. gr.

Bátar, sem ganga til veiða úr Járngerðarstaðahverfi, hafa rétt til notkunar á bryggjum hafnarinnar í þeirri röð, sem þeir koma að þeim. Strax og bátar hafa fengið afgreiðslu, skulu þeir rýma til fyrir öðrum, sem þurfa að komast að. Meðan bátar eru á floti við bryggjurnar, skal jafnan vera einn maður til taks af skipshöfninni, ef færa þarf bátinn, eða framkvæma aðrar skipanir frá hafnarverði.

###### 6. gr.

Allir bátar, er ganga til veiða úr Járngerðarstaðahverfi, eru skyldugir að eiga legufæri á Hópinu, sem tekin eru gild af trúnaðarmönnum hafnarinnar og lagt þar undir þeirra eftirliti þannig, að þau hindri ekki greiðan aðgang að bryggjum hafnarinnar. Legufærum, sem lagt er án leyfis eða í trássi við hafnarnefnd eða trúnaðarmann hennar, má færa til eða taka upp á kostnað hlutaðeiganda.

Þeir, sem vilja hafa legufæri á ytri höfninni (Lóninu) verða að fá til þess leyfi hafnarnefndar, og má aðeins leggja þeim undir eftirliti trúnaðarmanna hennar.

###### 7. gr.

Ef bátar þurfa að keyra vélar sínar meðan þeir eru festir við bryggjur eða múrníngar, ber þeim að framkvæma slíkt með allri aðgæzlu, svo ekki hljótist af skemmdir á öðrum bátum eða mannvirkjum hafnarinnar.

###### 8. gr.

Ef skip lendir á grunni eða sekkur, þar sem það, að álitni hafnarnefndar, torveldar notkun hafnarinnar, skal færa það burt svo fljótt sem auðið er. Dragist það of lengi má hafnarnefnd láta flytja það burt á kostnað eigenda, og er henni heimilt að láta selja skipið til greiðslu kostnaðar, er af því leiðir.

#### V. KAFLI

##### Hafnarmannvirki annarra innan hafnarinnar.

###### 9. gr.

Meðfram strandlengjunni umhverfis höfnina má ekki gera í sjó fram bryggju eða önnur mannvirki, né heldur breyta þeim mannvirkjum, sem fyrir eru. Ekki fylla upp eða dýpka út frá landi, nema hreppsnefnd hafi veitt samþykki sitt til þess, að fengnum tillögum hafnarnefndar.

Skjóta má úrskurði hreppsnefndar undir úrskurð stjórnarráðsins. Sá, sem fær leyfi til að byggja bryggju innan hafnarinnar, skal halda henni svo vel við að ekki stafi hættu af. Brot gegn því varðar sektum, og ef um ítrekað brot er að ræða má rífa mannvirkið á kostnað eigenda.

###### 10. gr.

Við bryggju eða uppfyllingu einstakra manna eða félaga innan hafnarinnar, hafa bátar rétt til að leggjast að í sömu röð sem þeir koma inn og sækja um það, þegar eigandi ekki þarf að nota mannvirkin sjálfur.

## VI. KAFLI

### Um almenna reglu.

70

14. marz

#### 11. gr.

Hafnarnefnd sér um að gætt sé almennrar reglu á höfninni og við hana. Er öllum skylt að hlíta boði hennar og banni, og starfsmanns þess, er hún setur til að halda uppi reglu.

Þykist einhver vera beittur órétti, getur hann kært það fyrir hreppstjóra eða sýslumanni, en skipunum hafnarnefndar eða starfsmanns hennar ber tafarlaust að hlíða. Starfsmenn hafnarinnar skulu gæta allrar kurteisi í starfi sínu.

#### 12. gr.

Ekki má kasta seglfestu, ösku, fiskúrgangi eða neinu öðru, sem orsakað getur grynnkun hafnarinnar, í Hópið, innsiglinguna í það eða við bryggjuna þar.

Ekki má heldur kasta seglfestu, netjasteinum eða neinu slíku í varirnar við ytri bryggjurnar, sem gæti verið hættulegt fyrir botn eða byrðing þeirra báta, sem þar eru látnir standa.

Brot gegn þessum ákvæðum varðar sektum.

#### 13. gr.

Á vertíð þegar vont er um bryggjupláss, skulu að minnsta kosti 3 menn kasta fiskinum á bílana, og sé um sjóveður að ræða, skal línan vera komin um borð um leið og síðasti fiskur fer í land.

#### 14. gr.

Öll aðgerð á bryggjum hafnarinnar er bönnuð. Notendum fiskiaðgerðarhúsa, sem liggja að höfninni, ber að gæta fremsta þrifnaðar og aka burt öllum fiskúrgangi jafnharðan, þangað sem hafnarvörður tilvísar í hverju tilfelli.

## VII. KAFLI

### Hafnargjöld.

#### 15. gr.

Öllum bátum, sem gerðir eru út frá Járngerðarstaðahverfi, ber að greiða til hafnarsjóðs 3% af afla sínum allt árið, að frádregnum venjulegum sameiginlegum kostnaði útgerðar og skipshafnar. Gjald þetta fellur í gjalddaga strax og afli er seldur úr hverri veiðiför.

#### 16. gr.

Aðrir bátar, hvort heldur utan eða innan héraðs, skulu í hvert skipti sem þeir nota hafnarmannvirkin, greiða:

- a. fyrir að sækja eða láta í land veiðarfæri, hafa samband við heimastöðvar sínar eða til kaupa á nauðsynjum, 35 aura á brúttó smálest, þó aldrei minna en 3 kr. í hvert sinn;
  - b. þeir, sem vilja leggja upp afla sinn, hvort heldur til heimaksturs eða sölu á staðnum, greiði 2% af andvirði afla. Þessir bátar, ef þeir fara inn í Hópið, greiði enn fremur ljósagjald á tímabilinu frá 1. sept. til 1. maí, 3 krónur í hvert sinn.
- Innlend strandferða- og millilandaskip, sem sigla eftir föstum, auglýstum áætlunum, svo og vörflutningaskip, greiða í fyrsta sinn á ári hverju, er þau koma í Grindavíkurhöfn, 30 aura af smálest hverri í hafnargjöld, en ekkert, þótt þau komi oftár á því ári.

- 70 Öll önnur skip, sem til hafnarinnar koma, og hafa samband við land, greiða 7½  
 14. marz (7,5) eyrir af smálest hverri í hvert skipti, er þau koma í Grindavíkurhöfn.  
 Bátar, sem koma inn undan óveðri, skulu undanþegnir gjaldi.

## VIII. KAFLI

## Vörugjald.

## 17. gr.

Vörugjald skal greiða af öllum vörum og skepnum, lifandi og dauðum, sem fluttar eru af skipsfjöllum á land eða úr landi á skipsfjöllum, með þeim undantekningum, sem síðar getur.

Undanteknar eru vörur, sem látnar eru í land um stundarsakir vegna skemmda á skipi.

## 18. gr.

Þessar vörur eru undanþegnar vörugjaldi:

- a. Olía, vistir og aðrar nauðsynjar skipa og báta til eigin notkunar, enn fremur kol, salt og ís, sem flutt er úr landi í íslensk skip til eigin notkunar. En hálfvörugjald skal greiða af kolum, salti og ís til útlendra skipa, þó það sé til eigin notkunar;
- b. vörur og tæki til hafnarinnar.

## 19. gr.

Vörugjald skal reikna eftir máli eða þyngd með umbúðum. Brot úr gjaldeiningu sem nemur helmingi eða meira telst heil gjaldeining. Vörugjald skal ákveðast eftir farmskrá skips. Sé engin farmskrá, skal skipstjóri eða formaður gefa drengskaparvottorð um vörumagnið, sem skipið hefur fermt eða affermt.

Þyki hafnarnefnd ástæða til, getur hún hvenær sem er látið ákveða vörumagnið á þann hátt, sem henni þykir hentugast. Reynist vörumagnið meira en upp var gefið, greiðir skipið kostnaðinn.

## 20. gr.

*Flokkar vörugjaldskrárinnar.*

1. flokkur: Gjald 26 aurar hver 100 kg:  
 Blý, brýni, sement, eldfastur leir, gaddavir og stálvir, gærur sallaðar í pökkum, hverfisteinar, ís, járn, stál, koparvir, járnkeðjur og járnþípur, kaðlar, kitti, kol, krít, litarvörur þungar, prentsverta, salt, síld, sódi, togleður, þakjárn, þakpappi, ísvarinn fiskur, nýr fiskur, slægður og óslægður, óverkaður saltfiskur. (Gjald þetta af fiski greiðist aðeins þegar honum er skipað út.)
2. flokkur: Gjald 40 aurar hver 100 kg:  
 Áburðarolía, baðlyf, benzín, feiti, fernisólía, fiskilínur, garnir, hrogn, hey, kálmeti, kartöflur, kornvörur, alls konar kjöt, leður, leirvörur, linoleum, mör, pappír og bækur, þokar, vaxdúkar, þokastrigi, rjúpur og aðrir fuglar, rúðugler, saltfiskur þurr, saumur, sápa, segldúkur, seglgarn, steinólía, tó, tjara, tvistur.
3. flokkur: Gjald 67,5 aurar hver 100 kg:  
 Ávextir, nýir, þurrkaðir og niðursoðnir, brauðvörur, harðfiskur, kaffi, kókó, lyf og lyfjavörur, lýsi, mjólk, niðursuðuvörur alls konar, jurtafeiti, smjör, smjörlíki, súkkulaði, sundmagi, sykur, te, ull.
4. flokkur: Gjald 100 aurar hver 100 kg:  
 Dúnn, eldspýtur, fiður, glervörur, glysvarningur og þess háttar léttar vörur, rjól, rulla, reyktóbak, skinnvörur, skófattaður, vefnaðarvörur, vindlar, vindlingar.

5. flokkur: Gjald 84 aurar hver 100 kg:  
Aðrar vörur, sem reiknast eftir þyngd: 70
6. flokkur: Gjald 270 aurar hver tekningsmetri:  
Timbur, tunnur og þess háttar vörur, sem reiknast eftir rúmmáli. 14. marz
7. flokkur: Gjald 546 aurar hver teningsmetri:  
Bifreiðar, húsgögn, orgel, píanó, saumavélar, stundaklukkan og þess háttar vörur, sem reiknast eftir rúmmáli.
8. flokkur: Gjald 340 aurar hver gripur:  
Hross, nautgripir, svín.
9. flokkur: Gjald 42 aurar hver kind:  
Sauðfé.

## IX. KAFLI

### Um innheimtu og greiðslu hafnargjalda.

#### 21. gr.

Formaður hafnarnefndar sér um innheimtu hafnargjalda, og skal greiða gjöldin á skrifstofu hans.

#### 22. gr.

Skipstjóri eða formaður ber ábyrgð á greiðslu hafnargjalda. Hafnarsjóður hefur haldsrétt á skipum, unz hafnargjöld eru greidd. Þegar gjalddagar eru ekki ákveðnir í reglugerð þessari, skal greiða gjöldin áður en skipið fer burt úr höfninni.

Hafnarnefnd hefur rétt til að athuga reikninga og uppgjör báta, ef hún óskar þess.

#### 23. gr.

Vörugjald af vörum, sem koma til hafnarinnar, fellur í gjalddaga, þegar skipið sem vörurnar flytur, er komið á legu. Vörugjald af vörum, sem fluttar eru frá bryggjunum, fellur í gjalddaga, þegar vörurnar eru komnar í skip. Hafnarsjóður hefur haldsrétt á vörunum, unz gjaldið er greitt.

#### 24. gr.

Gjald fyrir að nota krana, sporbrautir eða önnur tæki og áhöld, greiði sá, sem semur við hafnarnefnd um afnotin.

#### 25. gr.

Öll gjöld samkvæmt reglugerð þessari má taka lögtaki.

#### 26. gr.

Um skaðabótaskyldu fyrir skemmdir á höfninni, mannvirkjum hennar eða áhöldum, fer eftir almennum lagareglum.

Ef samningum verður ekki við komið, um skaðabætur fyrir skaða eða skemmdir á höfninni, mannvirkjum hennar eða áhöldum, skulu þær ákveðnar af þremur óvilhöllum mönnum dómkvöddum. Hvorum aðila fyrir sig er heimilt að krefjast yfirmats, en gera skal það áður en einn mánuður er liðinn frá því að matsgerð er lokið. Yfirmat skal framkvæmt af fimm óvilhöllum, dómkvöddum mönnum. Kostnaður við yfirmat greiðist af þeim, er þess hefur krafizt, ef matsupphæðinni verður ekki breytt meir en nemi 10% af hinni ákveðnu skaðabótaupphæð.

Að öðrum kosti greiðir hinn aðilinn kostnaðinn.

70

14. marz

Enginn, sem bakað hefur sér refsingu eða skaðabótaskyldu fyrir brot á reglugerð þessari, má fara burt úr höfninni, meðan mál hans er óútkljáð, nema hann setji tryggingu, er hafnarnefnd tekur gilda.

27. gr.

28. gr.

Brot gegn reglugerð þessari varða sektum frá 20—1000 krónum, nema þyngri refsing liggji við samkvæmt lögum.

Sektirnar renna í hafnarsjóð Járngerðarstaðahverfis.

29. gr.

Með mál út af brotum gegn regðlugerð þessari skal farið sem almenn lögreglu-mál.

Reglugerð þessi staðfestist hér með samkvæmt lögum nr. 113 frá 30. des. 1943 til þess að öðlast þegar gildi, og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 14. marz 1945.*

**Emil Jónsson.**

*Vigfús Einarsson.*

71

16. marz

## VIÐAUKI

við heilbrigðissamþykkt fyrir Siglufjarðarkaupstað, nr. 83 24. sept. 1929.

### I. KAFLI

#### Um skipan heilbrigðisnefndar.

1. gr.

Heilbrigðisnefnd skipa bæjarfógeti, héraðslæknir og 3 menn aðrir, er bæjarstjórn kýs hlutfallskosningu til jafnlangs tíma og bæjarfulltrúarnir eru kosnir, og skal að minnsta kosti einn hinna kjörnu fulltrúa eiga sæti í bæjarstjórn.

Bæjarfógeti er formaður nefndarinnar. Nefndin kýs ritara og skiptir með sér störfum.

### II. KAFLI

#### Um heilbrigðisfulltrúa.

2. gr.

Bæjarstjórn ræður heilbrigðisfulltrúa að fengnu samþykki heilbrigðisnefndar. Heilbrigðisfulltrúi hefur daglegt eftirlit með þrifnaði í bænum og sér um, að fyrir-mælum nefndarinnar sé framfylgt. Hann skal hafa laun úr bæjarsjóði. Nefndin ákveður laun hans. Þó skal samþykki bæjarstjórnar til, ef grunnkaup fer yfir 800 kr. á ári. Verðlagsuppbót greiðist á laun hans sem annarra starfsmanna bæjarins. Heilbrigðisfulltrúastarfinu má skipta í tvennt.

### III. KAFLI

#### Um hreinsun hunda.

3. gr.

Heilbrigðisfulltrúi skal vandlega gæta þess, að hundahreinsun fari árlega fram, eins og fyrirskipað er, og gera nefndinni aðvart, ef út af bregður. Nefndin getur á